

OFFERYNNAU STATUDOL CYMRU

2003 No. 300

**Rheoliadau Traffig Ffyrdd (Allyriadau
Cerbydau) (Cosbau Penodedig) 2003**

RHAN 6

DIFFODD PEIRIANNAU

Diffodd peiriannau pan fo cerbyd yn llonydd

12.—(1) Gall person awdurdodedig sydd â rheswm rhesymol dros gredu bod gyrrwr cerbyd sy'n llonydd ar ffordd yn cyflawni tramgwydd segura llonydd fynnu, ar ôl cyflwyno tystiolaeth o awdurdodiad o dan reoliad 6(3), bod y gyrrwr yn diffodd peiriant y cerbyd hwnnw.

(2) Mae person sy'n methu â chydymffurfio â gofyniad o dan baragraff (1) yn euog o dramgwydd ac yn agored ar gollfarn ddiannod i ddirwy nad yw'n fwy na lefel 3 ar y raddfa safonol.

Dyrodidi hysbysiad cosb benodedig: tramgwydd segura llonydd

13. Gall person awdurdodedig sy'n ystyried bod tramgwydd segura llonydd wedi'i gyflawni, yn unol â pharagraff 7, ddyrodidi hysbysiad cosb benodedig i gyrrwr y cerbyd hwnnw.

Cyflenwi gwybodeth at ddibenion Rhan 6

14.—(1) Mewn cysylltiad â chyflawni swyddogaethau o dan y Rhan hon, gall person awdurdodedig fynnu bod gyrrwr cerbyd y gosodwyd gofyniad o dan reoliad 12(1) mewn perthynas ag ef i ddatgelu i'r person awdurdodedig —

- enw a chyfeiriad y gyrrwr;
- dyddiad geni y gyrrwr; ac
- os nad y gyrrwr yw'r person y mae'r cerbyd wedi'i gofrestru yn ei enw o dan Ddeddf Trethu a Chofrestru Cerbydau 1994 ar yr adeg pan gaiff y gofyniad ei osod, enw'r person hwnnw.

(2) Bydd person sy'n methu â chydymffurfio â gofyniad i gyflenwi gwybodaeth o dan baragraff (1) yn euog o dramgwydd ac yn agored ar gollfarn ddiannod i ddirwy nad yw'n fwy na lefel 3 ar y raddfa safonol.